



DEPUTACIÓN PROVINCIAL
A CORUÑA

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039311

RESOLUCIÓN POLA QUE SE MODIFICA A RESOLUCIÓN 2019/8515, DE 6 DE MARZO, POLA QUE SE APROBARON AS BASES DA CONVOCATORIA DO XII PREMIO “MANUEL MURGUÍA” DE ENSAIO

DON VALENTÍN GONZÁLEZ FORMOSO, Presidente da Deputación Provincial da Coruña,

Vista a base 6ª da convocatoria, na que se establece o prazo no que terá lugar a decisión do xurado, e tendo en conta que por motivos de carácter organizativo non é posible que o fallo se produza no prazo previsto.

Visto o informe do Servizo de Acción Social, Cultural e Deportes.

RESOLVO:

Modificar a resolución nº 2019/8515, de 6 de marzo, pola que se aprobaron as bases da convocatoria do **XII Premio “Manuel Murguía” de Ensaio**, no senso seguinte:

Onde dí:

A decisión do xurado terá lugar no **segundo trimestre de 2019** e será comunicada a través do taboleiro de anuncios e da páxina web da Deputación.

Debe dicir:

A decisión do xurado terá lugar no **segundo semestre de 2019** e será comunicada a través do taboleiro de anuncios e da páxina web da Deputación.

Polo tanto, o texto definitivo da resolución é o seguinte:

Despois de ver os informes dos servizos de Acción Social, Cultural e Deportes e de Fiscalización

RESOLVO:

1º.- Aprobar as bases da convocatoria do **XII Premio “Manuel Murguía” de Ensaio** e de acordo co texto seguinte:

XII Premio “Manuel Murguía” de Ensaio



**DEPUTACIÓN PROVINCIAL
A CORUÑA**

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039311

Asumindo a relevancia decisiva e a especial significación que, no seu tempo, tivo a figura e a obra de Manuel Murguía como intelectual preocupado polo estudo, a dignificación e a difusión da cultura e da historia de Galicia, convócase *XII Premio “Manuel Murguía” de Ensaio*, de acordo coas seguintes

BASES

Primeira.-

Poderán participar todas as persoas, maiores de idade, que non fosen premiadas nos cinco anos anteriores a este, e que presenten ensaios en lingua galega sobre Galicia, ou relacionados con ela, inéditos e non premiados en ningún outro premio ou certame.

Segunda.-

Establécese un premio único dotado con **6.500 €**, que poderá quedar deserto e ser concedido con carácter ex aequo. Neste caso, o seu importe repartirase proporcionalmente entre as persoas que resulten premiadas.

Esta cantidade está suxeita ás retencións legais que lle sexan aplicables.

A Deputación publicará a/s obra/s premiada/s, directamente ou a través doutra editorial, reservándose durante un prazo de dezaioito meses, que se contarán dende a data da concesión do premio, os dereitos de editala/s. Ademais entregará á/s persoa/s gañadora/s trinta exemplares.

Terceira.-

Os traballos farán referencia a calquera aspecto de Galicia (lingua, cultura, sociedade, economía, historia, pensamento...).

A presentación realizarase, preferentemente, en formato dixital, por medio dun CD que incluírá na portada a seguinte inscrición: *XII Premio “Manuel Murguía”, de Ensaio,* o título da obra, o lema ou pseudónimo.

O tratamento de texto será Word, OpenOffice, PDF.

No caso de optar pola presentación en papel, as obras serán presentadas por duplicado, en exemplares separados, tamaño DIN A 4, e impresos polas dúas caras, ademais deberán estar numerados, grampados ou encadernados.

A obra presentarase baixo o sistema de plica polo que se enviará un sobre á parte en cuxo exterior conste: o título da obra e o lema ou pseudónimo da persoa que sexa a súa autora; no interior incluírase a documentación seguinte:

- copia do documento de identidade
- o enderezo, teléfono de contacto e correo electrónico



**DEPUTACIÓN PROVINCIAL
A CORUÑA**

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039311

- declaración expresa de que a obra é inédita e que non foi premiada, ata a data da súa presentación, en ningún outro certame ou premio

- escrito no que manifieste a súa conformidade coa cesión dos dereitos de edición da obra (incluídos os de publicación, distribución e explotación) por un prazo de dezoito meses desde a data da concesión do premio

- declaración de consentimento expreso para o tratamento dos datos persoais que constan na solicitude para a participación no **XII Premio “Manuel Murguía” de Ensaio**, de conformidade co establecido na Lei Orgánica 3/2018, de 5 de decembro de Protección de Datos Persoais e garantía dos dereitos dixitais.

No caso de autoría conxunta, ademais do documento anterior, deberá incluírse un documento explícito coa participación de cadaquén e a porcentaxe do premio pactada entre as persoas autoras e asinada por elas.

Cuarta.-

O prazo de presentación de orixinais comezará o día seguinte ao de publicación desta convocatoria no Boletín Oficial da Provincia e rematará o día **5 de abril de 2019**.

As obras enviaranse á Deputación da Coruña, Avda. Porto da Coruña, 2, 15003 A Coruña, indicando no sobre *XII Premio “Manuel Murguía” de Ensaio*.

Quinta.-

O xurado estará presidido pola que persoa que ocupe a Presidencia da Deputación ou persoa en quen delegar e formarán parte del cinco persoas de recoñecido prestixio no eido da investigación e o pensamento histórico galego. As funcións de secretaría exerceraas o secretario da Corporación, ou funcionaria ou funcionario en quen delegar.

A composición do xurado darase a coñecer, con anterioridade á súa reunión, no taboleiro e na páxina web da Deputación (www.dacoruna.gal), co fin de que se poidan interpor, se é o caso, os recursos legais pertinentes.

Sexta.-

As participantes terán a obriga de comunicarlle á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do concurso.

O xurado actuará en pleno, en sesión a ser posible única, sendo necesaria a asistencia da maioría simple dos seus membros. Para os efectos da validez da súa constitución aplicárase o disposto no art. 17 da *Lei 40/2015, do 1 de outubro, de réxime xurídico do sector público*.

As deliberacións serán secretas e delas redactarase a acta correspondente.

O xurado presentará a súa proposta á Presidencia da Deputación, que é o órgano competente para conceder o premio.



**DEPUTACIÓN PROVINCIAL
A CORUÑA**

SERVIZO DE ACCIÓN SOCIAL, CULTURA E DEPORTES

Sección de Cultura e Deportes

Exp.: 2018000039311

A decisión do xurado terá lugar no segundo semestre de 2019 e será comunicada a través do taboleiro de anuncios e da páxina web da Deputación.

Se hai unha obra finalista, a plica correspondente poderá ser aberta pola persoa que exerza a secretaría do xurado co fin de que, se o seu autor ou autora o permite, poida darse a coñecer o seu nome.

Sétima.-

Non se devolverán os orixinais non premiados que, a partir do día seguinte á decisión do xurado, serán destruídos.

Oitava.-

A participación nesta convocatoria supón a total aceptación destas bases.

Novena.-

Os datos subministrados teñen a finalidade de poder tramitar esta convocatoria e están protexidos pola Lei Orgánica 3/2018, de 5 de decembro de Protección de Datos Persoais e garantía dos dereitos dixitais. O responsable do tratamento dos datos é a Deputación Provincial da Coruña, e o encargado será a empresa contratada pola Deputación Provincial para coordinar o premio, no caso de se contratar. A lexitimación para o tratamento dos datos persoais contidos nesta solicitude é o consentimento que o asinante outorga á Deputación Provincial coa súa firma. No caso de que sexa denegado o consentimento para o tratamento dos datos persoais, non poderá presentarse ao Concurso por imposibilidade de tramitación da solicitude. O destinatario dos datos é a Deputación Provincial que non cederá datos a terceiros, salvo obriga legal. Os datos facilitados conservaranse ata a finalización da tramitación da convocatoria. As persoas que participen na convocatoria teñen os dereitos a acceder, rectificar ou suprimir datos erróneos, solicitar a limitación do tratamento dos seus datos así como opoñerse ou retirar o consentimento e solicitar a portabilidade dos mesmos en calquera momento. Estes dereitos poderán exercerse perante as oficinas centrais da Deputación sitas na Av. Porto da Coruña, 2, 15003 A Coruña ou ben a través de medios electrónicos, dirixindo un correo ao enderezo delegadodeprotecciondedatos@dacoruna.gal. Pode consultar a política de privacidade da Deputación na dirección [//www.dacoruna.gal/avisos/politica-privacidade](http://www.dacoruna.gal/avisos/politica-privacidade).

2º.- Dispor a publicación das presentes bases no Boletín Oficial da Provincia.

3º.- Contabilizar o importe dos gastos derivados da convocatoria, que ascende a un total de 10.500 €, de acordo co seguinte detalle:

CONCEPTO	Aplicación orzamentaria	Importe	Documento contable RC
Premio	0612/3341/481	6.500,00	220190005742 (multiaplicación)
Honorarios xurado	0612/3341/22609	4.000,00	